



ურთიერთთანამშრომლობის მემორანდუმი

აჭარის ავტონომიური რესპუბლიკის უმაღლესი საბჭოსა და ა(ა)იპ „მწვანე ჯგუფს“ შორის

აჭარის ავტონომიური რესპუბლიკის უმაღლესი საბჭოს წარმომადგენელი, თავმჯდომარე - ავთანდილ ბერიძის სახით და ა(ა)იპ „მწვანე ჯგუფის“ წარმომადგენელი, თავმჯდომარე - თეიმურაზ ხასიას სახით, ხელმძღვანელობენ ურთიერთგაგებისა და პატივისცემის პრინციპით, გამოხატავენ თანამშრომლობის სურვილს და დებენ წინამდებარე მემორანდუმს შემდეგზე:

1. მემორანდუმის საგანია:

მხარეებს შორის თანამშრომლობა, რომელიც გულისხმობს აჭარის ავტონომიურ რესპუბლიკაში გარემოს დაცვის მიმართულებით დაგეგმილ ღონისძიებებში ჩართულობას და მათ მხარდაჭერას.

2. მემორანდუმის მიზანია:

- 2.1. რეგიონში ჯანსაღი პირობების გაუმჯობესება, ბრძოლა გარემოს დაბინძურების წინააღმდეგ
- 2.2. მწვანე გარემოს გასაუმჯობესებლად ერთობლივი ღონისძიებების დაგეგმვა, განხორციელება და მათში ახალგაზრდობის ჩართულობისათვის ხელშეწყობა.

3. მხარეთა უფლება-მოვალეობები

ორგანიზაცია ა(ა)იპ „მწვანე ჯგუფი“ კისრულობს ვალდებულებას:

- 3.1. დაგეგმილი ღონისძიებების შესახებ ინფორმაცია მიაწოდოს აჭარის ავტონომიური რესპუბლიკის უმაღლესი საბჭოს აპარატს.
- 3.2. დაგეგმოს და განხორციელოს სხვადასხვა ტიპის აქტივობა, რაც ხელს შეუწყობს ამ მემორანდუმით განსაზღვრული მიზნების განხორციელებას.

აჭარის ავტონომიური რესპუბლიკის უმაღლესი საბჭო კისრულობს ვალდებულებას:

- 3.2.1. ხელი შეუწყოს ორგანიზაცია „მწვანე ჯგუფის“ მიერ დაგეგმილ ღონისძიებებს გარემოს დაცვისა და ბუნებრივი რესურსების გაუმჯობესების მიმართულებით, რაც გულისხმობს საორგანიზაციო საკითხების ერთობლივად მოგვარებასა და ღონისძიებებში მონაწილეობას.



4. მემორანდუმის მოქმედების ვადა:

4.1. წინამდებარე მემორანდუმი ძალაში შედის მისი ხელმოწერისთანავე და მოქმედებს მანამ, სანამ ერთ-ერთი მხარე არ მოითხოვს მის გაუქმებას;

4.2. მემორანდუმი შედგენილია ორ თანაბარი იურიდიული ძალის მქონე ეგზემპლარად და ინახება მხარეებთან.


მხარეთა რეკვიზიტები:

აჭარის ავტონომიური რესპუბლიკის
უმაღლესი საბჭოს თავმჯდომარე
მის: მეგენიშვილის ქ.25
დაბა ჩაქვი, საქართველო
ტელ: (0322) 28 54 33
ელ ფოსტა: contact@sca.ge

ა(ა)იპ „მწვანე ჯგუფის“ თავმჯდომარე
მის: ა. სულაბერიძის ქ.30
ბათუმი, საქართველო
ტელ: (0322) 22 08 58

ელ ფოსტა: greengroup@gmail.com

ავთანდილ ბერიძე



თეიმურაზ ხასია



24 მარტი, 2014 წელი.

